



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XIX. Mater ex Africâ Mediolanum venit, vt saniozem filio mentem
suadeat.

urn:nbn:de:hbz:466:1-42857

CAPVT XIX.

*Mater ex Africâ Mediolanum venit, vñ
saniozem filio mentem suadeat.*

INTEREA temporis mater eius, difficile Lib. 6. C. 3.
dictu quantum sollicita pro salute ab- fess. cap. 1.
sentis, ex Africâ, terrâ mariq̃ue filium pro-
secuta, atque adeò in ipsis periculis animo-
sâ pietate nautas consolata, Mediolanum
venit. Vbi post mutuas consalutationes &
amplexus, simulac ex Augustino didicit,
eum iam neque Manichæum esse, neque
Catholicum Christianum; non quasi quid
inopinatum audiisset, turbulentis exulta-
uit iubilis, sed tamquam certò quod resta-
bat acceptura, ab eo, *qui totum ei promise-
rat; placidissimè cordeq; fiducia pleno respon-
dit*, credere se diuinis pollicitationibus, ni-
mirum quòd priusquam ex hac vitâ mi-
graret, visura foret filium Catholicum.
Quamobrem preces frequentiores lacry-
masq̃ue copiosiores ad Deum fundebat,
vt acceleraret eum illuminare, qui in tene-
bris & vmbra mortis sedebat, vtq̃ue sitien-
tem veritatis, ex ore suspenderet Ambro-
sij, vnde posset haurire suauem illum li-
quorem aquæ salientis in vitam æternam. *D. Monica
Diligeat enim virum illum velut Angelum in S. Am-
brosum af-
fectus.*
te Au-

Lib. 6. Cō-
fess. cap. 2.

Augustin.
ep. 86. ad
Casul.

Lib. 3. de
Sacram. c. 1.

Lib. 6. Cō-
fess. c. 2. & 3.

te Augustini, ipsius haud dubiè speraret plenam atque integram in fide Catholicâ sanitatem. Quamobrem Ambrosio representanti eam, quòd Agapem exhiberet (id est anniuersaria Martyrum die epulas adferret pauperibus in Ecclesiâ distribuendas) simul ac intellexit eam consuetudinē Mediolani sublatam esse, humillimè paruit. Rogatus autem ab eâ Ambrosius de ieiunio Sabbati, respondit vt cuiusuis se Ecclesiæ consuetudini attemperans, Mediolani Sabbato pranderet; Romæ autem dum esset, Romanum ieiunandi morem obseruaret. Eam autem quanti fecerit, ostendunt eius hæc verba: *In omnibus cupio sequi Romanam Ecclesiam*. Ceterum eiusmodi rituum diuersitates non improbari in eis, qui vnâ fide Catholicâ coniunguntur, S. Augustinus pluribus docet in epistolâ ad Ianuarium. Vicissim quoque S. Monicam Ambrosius diligebat propter eius religiosissimam conuersationem, quodque pietatis operibus impensè dedita, feruenti affectu loca sacra frequentaret: quin eousque prosequeretur eam charitate, vt sæpè sapiùs Augustinum inruitus, in eiusce ferretur deprædicationem, *gratulans ei quòd talem matrem haberet*.

CA-